

րեցաւ ի ՌՃՂԱ. (= 1742) թժոջ յունվարի դ ի դրանս Ծննդեան Քի. վանից Հայոց և գտէր Աղապէկ Յովսէփ ևս յիշեցէք յաղթս ձեւ... (Խապ. Յուց. տետր ԺԸ. էջ 1408—9):

**ՅՈՎՀԱՆՆԷՍ ՎՐԴ. ԱՂԹԱՄԱՐՅԻ.**— Մբ. Աղթամարի. ուխտաւորութեամբ կ'այցելէ Ս. Յակոբի վանքը 1869ին, վերադարձին՝ կը հրատարակէ իր ճամբու նօթերը (Սիօն, 1869):

**ՅՈՎՀԱՆՆԷՍ ՎՐԴ. ԱՃԷՄԵԱՆ.**— Մբ. Ն. Կեսարիոյ և Առ. Սպերի 1759ին:

**ՅՈՎՀԱՆՆԷՍ ՎՐԴ. ԱՄԱՍԻԱՅԻ.**— Մականունանեալն Թօփալ. 1679—1680 կը վարէ Ս. Յակոբի վանքին իշխանութիւնը, Ղըրիմցի Մարտիրոս պտրքին տեղ. «Սա (Յովհ. վրդ. Ամաս.) էառ յափշտակեաց Մարտիրոս պատրիարքի գառաջնորդութիւն Երուսաղէմի ի մուտս անդ ՌՃԻԹ (= 1680) թրուոյն հայոց (Ասաւալան, էջ 760, նաև ՄՁ. Թ. 120):

**ՅՈՎՀԱՆՆԷՍ ՎՐԴ. ԱՄԱՍԻԱՅԻ.**— Աւետիք պատրիարքի փոխանորդը՝ որ անոր պատրիարքութեան պիտարը Երուսաղէմ կը բերէ 1702 ին և միաբաններու ներկայութեան կը կարգաջ գայն դատարանին մէջ (Չաւչ. Գ. էջ 737. Սաւալան, էջ 787): Յովհաննէս վրդ. կը հարկադրէ Մինաս պտրք. Ամգեցին՝ տալու իր հաշիւները. որոնցմէ յայտնի կ'ըլլայ թէ՛ 46 քսակ պարտք մնացած է իր վրայ. Մինաս կը բանտարկուի և կ'ենթարկուի զանազան նեղութիւններու, կուսակալը գլխաւոր անոր՝ բանտէն կ'ազատէ (Օրագրութիւն Մինաս Ամգեցիի, ՌՃԾԱ. = 1702): Հաւանաբար այս Յովհաննէս վրդ. Ամասիացին է որ վարած է Ամասերտամի Ս. Հոգի եկեղեցիին հովուութիւնը 1749ի ժամանակ եւ նորոգած է անոր արտաքին դուռը, հետեւեալ յիշատակարանին համաձայն. «Վերստին նորոգեցաւ ի թուին հայոց ՌՃՂԸ (= 1749) հանդերձ աստիճանօք. վերին և ներքին երկուք լուսամտօք, ծախիւք ի սոյն Սուրբ Հոգի եկեղեցոյ սպասաւորի Մինասի որդի Յովհաննէսի վարդապետի Ամասացոյ, ի վեշտասաներորդում ամի սպասաւորութեան իւրոյ: Յիշատակ իւրն և զիւր ննջեցեալ ծնողացն»: (Հա. 1891. անդ. 1928, էջ 345): Յիշեալը նոյն եկեղեցիին մէջ 1759 ին ընդօրինակած է նաև Պասմ. Դաւիթ Բեկին գիրքը. ձե-